

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 42. i 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 117. sjednici, održanoj 13.02.2026. godine, d o n o s i

O D L U K U

o usvajanju Programa utroška sredstava u razdjelu 22 – Ministarstvo za obrazovanje, nauku, kulturu i sport, pozicija „Kapitalni transferi drugim nivoima vlasti“ – izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 615100, pozicija „Kapitalni transferi drugim nivoima vlasti“ - izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u iznosu od 2.200.000,00 KM (slovima: dvamilionadvijestotinehiljada konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva planirana ovim Programom utroška sredstava realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-2808/26

Datum, 13.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava u razdjelu 22 – Ministarstvo za obrazovanje, nauku, kulturu i sport, pozicija „Kapitalni transferi drugim nivoima vlasti“ – izvor 10 Budžeta Zeničko-dobojskog kantona za 2026. godinu

Član 1.

(Svrha Programa)

Svrha ovog programa je da se sredstva u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 615100, pozicija „Kapitalni transferi drugim nivoima vlasti“, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) koriste za finansiranje, odnosno sufinansiranje projekata na izgradnji, rekonstrukciji i sanaciji objekata ustanova osnovnog, srednjeg i visokog obrazovanja, sportskih objekata i objekata ustanova kulture na području Zeničko-dobojskog kantona.

Član 2.

(Visina sredstava)

Visina sredstava utvrđenih ovim Programom iznosi 2.200.000,00 KM (slovima: dvamilionadvijestotinehiljada konvertibilnih maraka).

Član 3.

(Izvor sredstava)

Izvor sredstva: Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 615100, pozicija „Kapitalni transferi drugim nivoima vlasti“, Izdaci iz budžeta – izvor 10.

Član 4.

(Korisnici sredstava)

Korisnici sredstava ovog transfera su općine i gradovi sa područja Zeničko-dobojskog kantona koji iskažu interes i podnesu zahtjev Ministarstvu za obrazovanje, nauku, kulturu i sport za finansiranje/sufinansiranje projekata na izgradnji, rekonstrukciji i sanaciji objekata ustanova osnovnog, srednjeg i visokog obrazovanja, sportskih objekata i objekata ustanova kulture na području Zeničko-dobojskog kantona.

Član 5.

(Kriteriji za raspodjelu sredstava)

Sredstva utvrđena ovim programom u ukupnom iznosu od 2.200.000,00 KM (slovima: dvamilionadvijestotinehiljada konvertibilnih maraka), doznačavat će se općinama/gradovima za finansiranje/sufinansiranje kapitalnih projekata u 2026. godini koji su od značaja za razvoj obrazovanja, kulture i sporta na području Kantona u skladu sa pojedinačnim Odlukama Vlade Zeničko-dobojskog kantona o odobravanju sredstva za finansiranje/sufinansiranje kapitalnih projekata u 2026. godini i potpisanim Ugovorima o prenosu sredstava za finansiranje/sufinansiranje odobrenih projekata sa predstavnicima lokalnih zajednica.

Član 6.

(Realizacija Programa)

Za realizaciju ovog programa zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 7.

(Izvještavanje korisnika sredstava)

Korisnici sredstva su dužni da Ministarstvu za obrazovanje, nauku, kulturu i sport dostave izvještaje o namjenskom utrošku odobrenih sredstava u roku od 15 dana od dana utroška istih, najmanje jednom polugodišnje, a najkasnije u roku od godinu dana od dana doznačavanja sredstava.

Član 8.

(Izvještavanje Ministarstva)

O utrošku sredstava po ovom programu, Ministarstvo za obrazovanje, nauku, kulturu i sport je dužno polugodišnje izvještavati Vladu Zeničko-dobojskog kantona.

Član 9.

(Generalni plan korištenja sredstava)

GENERALNI PLAN KORIŠTENJA SREDSTAVA U RAZDJELU 22, BUDŽETSKA ORGANIZACIJA 01, POTROŠAČKA JEDINICA 0001 – MINISTARSTVO ZA OBRAZOVANJE, NAUKU, KULTURU I SPORT, EKONOMSKI KOD 615100, POZICIJA „KAPITALNI TRANSFERI DRUGIM NIVOIMA VLASTI“, BUDŽETA ZENIČKO-DOBOJSKOG KANTONA ZA 2026. GODINU

R. br.	Korisnici sredstava	Svrha korištenja sredstava	Odobreni godišnji iznos	Realizacije sredstava
1.	Jedinice lokalne samouprave (općine i gradovi) sa područja Zeničko-dobojskog kantona	Finansiranje/sufinansiranje projekata na izgradnji, rekonstrukciji i sanaciji objekata ustanova osnovnog, srednjeg i visokog obrazovanja, sportskih objekata i objekata ustanova kulture na području Zeničko-dobojskog kantona	2.200.000,00 KM	Ukupan odobreni godišnji iznos će biti realizovan u skladu sa pojedinačnim Odlukama Vlade Zeničko-dobojskog kantona o odobravanju sredstva za finansiranje/sufinansiranje kapitalnih projekata u 2026. godini i potpisanim Ugovorima o prenosu sredstava za finansiranje/sufinansiranje odobrenih projekata sa predstavnicima lokalnih zajednica

Broj: 02-11-2808/26

Datum, 13.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.